

ORDENANZA FISCAL REGULADORA DA TAXA POR EXPEDICIÓN DE DOCUMENTOS ADMINISTRATIVOS.

Artigo 1º- FUNDAMENTO E NATUREZA.

En uso das facultades concedidas polos artigos 133.2 e 142 da *Constitución* e polo artigo 106 da *Lei 7/1985, do 2 de abril, reguladora das bases de réxime local* e de conformidade co que se dispón nos artigos 15 a 19 da *Lei 39/1988, do 28 de decembro, reguladora da facendas locais*, este concello establece a taxa por expedición de documentos administrativos que se rexerá pola presente ordenanza fiscal, cuxas normas atenden ó que se prevé no artigo 58 da citada *Lei 39/1988*.

Artigo 2º- FEITO IMPOÑIBLE.

1. Constitúe o feito imponible da taxa a actividade administrativa desenvolvida con motivo da tramitación, a instancia de parte, de toda clase de documentos que expida e de expedientes de que entenda a Administración ou as autoridades municipais.
2. Para estes efectos entenderase tramitada a instancia de parte calquera documentación administrativa que fose provocada polo particular ou redunde no seu beneficio aínda que non mediase solicitude expresa do interesado.
3. Non estará suxeita a esta taxa a tramitación de documentos e expedientes necesarios para o cumprimento de obrigas fiscais, así como as consultas tributarias, os expedientes de devolución de ingresos indebidos, os recursos administrativos contra resolucións municipais de calquera índole e os relativos á prestación de servizos ou realización de actividades de competencia municipal e á utilización privativa ou o aproveitamento especial de bens do dominio público municipal, que estean gravados por outra taxa municipal ou polos que se esixa un prezo público por este concello.

Artigo 3º- SUXEITO PASIVO.

Son suxeitos pasivos contribuíntes as persoas físicas e xurídicas e as entidades a que se refire o artigo 33 da *Lei xeral tributaria* que soliciten, provoquen ou en cuxo interese redunde a tramitación do documento ou expediente de que se trate.

Artigo 4º- RESPONSABLES.

1. Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da *Lei xeral tributaria*.
2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da *Lei xeral tributaria*.

Artigo 5º- EXENCIONS SUBXECTIVAS.

Gozarán de exención aqueles contribuíntes en que concorran algunha das seguintes circunstancias.

1. Ter sido declarados pobres por precepto legal.
2. Estar inscritos no Padrón da Beneficencia como pobres de solemnidade.
3. Obter o beneficio xudicial de pobreza, respecto ós expedientes que deben xurdir efecto precisamente, no procedemento xudicial no que fosen declarados pobres.
4. As persoas cuxos ingresos familiares sexan inferiores ó salario mínimo interprofesional.

Artigo 6º- COTA TRIBUTARIA.

1. A cota tributaria determinarase por unha cantidade fixa sinalada segundo a natureza dos documentos ou expedientes a tramitar, segundo a tarifa que contén o artigo seguinte.
2. A cota de tarifa corresponde á tramitación completa, en cada instancia, do documento ou expediente de que se trate, desde a súa iniciación ata a súa resolución

final, incluída a certificación e notificación ó interesado do acordo recaído.

3. As cotas resultantes por aplicación das anteriores tarifas incrementaranse nun 50% cando os interesados solicitasen con carácter de urxencia a tramitación dos expedientes que motivasen o devengo.

Artigo 7º-TARIFA.

A tarifa a que se refire o artigo anterior estruturárase nos seguintes epígrafes.

Epígrafe 1- Certificacións:

- | | |
|---|------|
| 1. Por cada certificación de acordo ou antecedentes que obran nas oficinas municipais, se corresponden ó último quinquenio. | 2,50 |
| 2. Por cada quinquenio de antigüidade | 2,50 |
| 3. Por cada certificado de líquido imponible | 2,50 |
| 4. Certificacións de veciñanza | 2,50 |
| 5. Informes da alcaldía | 2,50 |
| 6. Certificacións urbanísticas | 12 |

Epígrafe 2- Solicitude de documentos ou datos:

- | | |
|--|------|
| 7. Por cada escrito, solicitude ou instancia dirixida á alcaldía e organismos municipais. | 0,60 |
| 8. Solicitudes interesando o trámite de documentos a outros organismos | 1,80 |
| 9. Escritos en que se interesa expedición de documentos por organismos ou funcionarios municipais. | 0,60 |
| 10. Solicitudes de licenzas de obras: | |
| a) Obras menores | 12 |
| b) Obras maiores | 18 |

Vivendas unifamiliares

- | | |
|---|-----------|
| <i>Con máis dunha vivenda:</i> | |
| Pola primeira vivenda | 18 |
| Por cada vivenda a maiores | 1,80 máis |
| 11. Solicitude de apertura de establecementos | 12 |
| 12. Recursos a resolver pola Administración | 2,50 |
| 13. Por segregación e agregación de parcelas: | |
| a) Por cada m ² de superficie de actuación | 0,4 |
| b) Por cada m ² de superficie edificable | 0,4 |

Epígrafe 3º- Expedientes Administrativos:

14. Tramitación de expedientes de actividades molestas, insalubres, nocivas e perigosas	12
15. Polo visado da alcaldía en calquera documento presentado, cando haxa de surtir efectos fóra da Administración municipal	1,80
16. Por cada ratificación de contido de documentos	1,80
17. Declaracións de alta e baixa nos documentos cobratorios do Estado de confección municipal.	0,60

Epígrafe 4- Concesións de Licenzas.

18. Licenzas de todas as clases expedidas pola Administración municipal, en obras de nova planta, por planta.	3
19. Utilización por vivenda ou local de negocio	15,03
20. Licenzas de autorizacións a vehículos para exercer o servizo público de viaxeiros no municipio.	331

Epígrafe 5:

21. Compulsas	1,20
22. Outras certificacións	2,50
23. Fotocopias	0,50
24. Expedición copias atestados Policía Local	40,00

Artigo 8º- BONIFICACIÓN DA COTA.

Non se concederá ningunha bonificación dos importes das cotas tributarias na tarifa desta taxa.

Artigo 9º- DEVENGO.

1. Devengarase a taxa e nace a obriga de contribuír cando se presente a solicitude que inicie a tramitación dos documentos e expedientes suxeitos a tributo.
2. Nos casos a que se refire o número 2 do artigo 2º, o devengo prodúcese cando teñan lugar as circunstancias que prevegan a actuación municipal de oficio ou cando este se inicie sen previa solicitude do interesado pero redunde no seu beneficio.

Artigo 10º- DECLARACIÓN DE INGRESO.

1. A taxa esixirase en réxime de autoliquidación, polo procedemento do carimbo municipal adherido ó escrito de solicitude da tramitación do documento ou expediente ou nestes se aquel escrito non existise, ou a solicitude non fose expresa.
2. Os escritos recibidos polos condutos a que fai referencia o artigo 66 da *Lei de procedemento administrativo*, que non veñan debidamente reintegrados, serán admitidos provisionalmente, pero non poderá dársele curso, sen que se subsane a deficiencia, para cuxo fin requirirase ó interesado para que, no praza de 10 días aboe as cotas correspondentes co apercibimento de que, unha vez transcorrido o prazo sen efectualo, teranse os escritos por non presentados e será arquivada a solicitude.
3. As certificacións e descontos que expida a Administración municipal en virtude de oficio de xulgados e tribunais para toda clase de preitos, non se entregarán nin remitirán sen que previamente se satisfixese a correspondente cota tributaria.

Artigo 11º- INFRACCIÓNS E SANCIÓNS.

En todo o relativo á cualificación de infraccións tributarias, así como das sancións que correspondan en cada caso estarase ó que se dispón nos artigos 77 e seguintes da *Lei xeral tributaria*.

DISPOSICIÓN DERRADEIRA.

A presente ordenanza fiscal estará en vigor o mesmo día da súa publicación no *Boletín da Provincia*, será de aplicación a partir do día 1 de xaneiro de 1990, e permanecerá en vigor ata a súa modificación e derogación expresa.

Esta ordenanza foi modificada no artigo 7 e esta modificación, xa introducida neste texto, e publicada no *Boletín Oficial da Provincia*, do 15 de xullo de 2003, e será de aplicación a partir da publicación deste texto no *BOP* e permanecerá en vigor ata a súa derogación ou modificación expresa.